



REPUBLIKA E KOSOVËS
REPUBLIKA KOSOVA - REPUBLIC OF KOSOVA

KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



Emri i biznesit: “Negenet SH.P.K”.

Numri Unik identifikues: 811047390

Pronar: Ylli Zeka

Kandidati për licencë: “Negenet SH.P.K.”

Platforma: Kabllore dhe IPTV

Adresa: Rr Ahmet Kaqiku p.n Ferizaj.



VE N D I M

për licencimin e Operatorit të Shpërndarjes, “Negenet SH.P.K”, sipas platformës Kabllore dhe IPTV, me seli në Ferizaj

Faktet

1. Komisioni i Pavarur për Media (KPM), në bazë të nenit 3, paragrafi 2.6. të ligjit për KPM (Ligji nr. 04/L-44), nxjerr akte nënligjore për rregullimin e transmetimit dhe të shërbimeve mediale audio-vizuale, të cilat nevojiten për të kryer funksionet e saj, në pajtim me standardet ndërkombëtare.
2. Rregullorja për Shpërndarjen e Ofruesve të Shërbimeve Mediale Audio dhe Audiovizuale (Rregullorja KPM-2020/01) përcakton rregullat dhe procedurat për shpërndarjen e ofruesve të shërbimeve mediale nga ana e operatorëve, pavarësisht nga teknologjia e përdorur.
3. Kandidati “Negenet SH.P.K” më datën 12 janar 2023, ka aplikuar për licencë të KPM-së, për Operatorë të Shpërndarjes së ofruesve të shërbimeve mediale audio dhe audiovizuale sipas platformës kabllore dhe IPTV

Arsyetim

4. Ligji Nr. 04/L-44 për Komisionin e Pavarur për Media, përcakton se KPM është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit si dhe rregullon të drejtat, detyrimet dhe përgjegjësit e personave fizik dhe juridik të cilët ofrojnë shërbime mediale audio-vizuale.

5. Neni 21, paragrafi 1 i Ligjit të KPM-së përcakton se: *“për të ushtruar transmetim në Kosovë sipas kushteve të këtij ligji kërkohet licenca për transmetim, të cilën e lëshon KPM-ja”*.
6. Për shkak të mungesës së vendimmarrjes së Komisionit të Pavarur të Mediave, nga data 15 tetor 2022 deri më datën 6 qershor 2023, kërkesa e “Negenet SH.P.K” nuk ka arritur të shqyrtohet me kohë.
7. KPM, i ka ofruar kandidatit për licencë për operator të shpërndarjes “Negenet SH.P.K” të gjitha aktet nënligjore për aplikim për licencë si: Rregullorja për Shpërndarjen e Ofruesve të Shërbimeve Mediale Audio dhe Audiovizuale (Rregullorja KPM-2020/01) Rregullorja për Tarifën Vjetore për Licencë (Rregullorja KPM-2017/06) dhe Formën për aplikim për licencë të KPM-së, për operator të shpërndarjes.
8. Komisioni konstaton se kandidati “Negenet SH.P.K” në të kaluarën ka poseduar licencë të operatorit të shpërndarjes i cili ka operuar në fshatin Komogllavë të komunës së Ferizajt.
9. Komisioni vlerëson se kandidati “Negenet SH.P.K” ka paraqitur në aplikacionin e tij të gjitha të dhënat e nevojshme për licencë të KPM-së për operator të shpërndarjes në pajtueshmëri me Nenin 6 të Rregullores KPM-2020/01 dhe të shtojcës së kësaj rregullore, ku përcaktohen Procedurat, Kushtet dhe Kriteret për Licencim.
10. Komisioni vlerëson se kandidati “Negenet SH.P.K” ka paraqitur në aplikacionin e tij të dhëna (listën e pajisjeve) lidhur me investimet e realizuara në pajisje.
11. Me Rregulloren KPM-2020/01 nuk përcaktohet numri i kanaleve se sa duhet të përmbajë lista e pakos programore për një operator të shpërndarjes. Prandaj, Komisioni e KPM-se vlerëson se, një operator i shpërndarjes mund të licencohet edhe me një numër minimal të programeve të përcaktuara me nenin 5, 9 dhe 10 të Rregullores KPM-2012/01, ndërsa, kandidati “Negenet SH.P.K” ka dorëzuar një listë prej 7 kanaleve, si pjesë e katalogut programor.
12. Kandidati “Negenet SH.P.K” për operator të shpërndarjes sipas platformës Kabllore dhe IPTV, përveç ofruesve të shërbimeve programore të licencuara nga KPM, të përcaktuara me nenin 9 dhe 10 të Rregullores KPM-2020/01, do të ketë të drejtë të bartë në katalogun e tij programor vetëm kanalet televizive për të cilat posedon marrëveshje mbi të drejtën e autorit të vërtetuara në VAPIK
13. Pas pajisjes me licencë të KPM-së, kandidati për operator të shpërndarjes “Negenet SH.P.K” mund të sigurojë marrëveshje shtesë për bartjen e programeve në platformën e tij, dhe mund të zgjerojë katalogun e programeve në të ardhmen. Kandidati “Negenet SH.P.K” obligohet t’i ofrojë KPM-së të gjitha marrëveshjet e reja për zgjerim të listës programore, sapo t’i ketë siguruar ato dhe vërtetuar në VAPIK
14. Komisioni vlerëson se, kandidati “Negenet SH.P.K” ka dorëzuar aplikacionin e tij në pajtueshmëri me kriteret e përcaktuara me Rregulloren KPM-2020/01 si dhe me Rregulloren KPM-2017/06, për t’u pajisur me licencë të KPM-së për një afat prej dhjetë (10) vitesh, me mundësi të ripërtëritjes.

15. Komisioni vlerëson se, kandidati për operator të shpërndarjes “Negenet SH.P.K” ka përmbushur kriteret për kualifikim për t’u pajisur me licencë të KPM-së.

Vendim

16. Komisioni në takimin e tij të mbajtur më datën 23 qershor 2023 merr vendim që, kandidatit “Negenet SH.P.K” i cili planifikon të operojë në Komunën e Ferizajt , t’i lëshojë licencën e KPM-së për operator të shpërndarjes sipas platformës Kabllore dhe IPTV, për të ofruar shërbime të programeve në pajtim me katalogun e ofruar programor sipas marrëveshjeve për të drejtat autoriale të atyre shërbimeve mediale audiovizuale.

17. Këtë vendim e lëshon Komisioni dhe i njejti hyn në fuqi nga data e nënshkrimit.



Jeton Mehmeti

Kryetar

Komisioni i Pavarur i Mediave



23.06.2023

datë